

1 Yohana

Yohana ya sεmε nizhiimε wemu ka ge

Jɔgɔ wu jε Yohana wε?

Tudunmɔɔ Yohana w'a we sεmε we ka. Wee ninumɔ w'a Yohana wo Kile Jozaama pu wo sεmε wu bε ka, ni Yohana wo sεmε nizhiimε we, ni shuun wo we, ni taanri wo we, ni Kashεε Kitabu wu bε.

Yohana ya ta wu mεge ka pii sεmεε taanri we na wε. W'a wuyε pyi na «egilizi nɔhɔle».

Yohana ya ta we sεmε we ka egilizi nigin mεge na wε, ga Azi fiige ki egilizii pu mu w'a wu tun. Yohana bi kapyenεε pyi wu wo cana jii li xɔduun wu ni Efese kulo le, ni li kabanugo kulogoo ki ni. Wee xuu we nijaa wo wu jε Turuki fiige ki ninε ki ni.

We sεmε we kakana jɔnɔ

Wuyε mεge Kile Kafila yεε li jε we sεmε we. Kafila jɔgbɔyɔ taanri wu jε wu ni:

1 N'a daa fεε ya yaa na taha can koro li feni, na pu n'a daa wu taha Yesu na.

2 Yi taan ni yiyε ni, yi da jaari kpεenge ni.

3 Yi da yiyε kasεri karamɔgɔ-kafinejuu pii na.

Sεmε wu kafila jɔgbɔyɔ

1 Yohana 1:1–2:17 Na jaari kpεenge ni.

1 Yohana 2:18-29 Jɔgɔ wu jε Kirisa wo pen wu wε?

1 Yohana 3–4 Taanjεεge keree.

1 Yohana 5:1-12 Sɛɛɛɛ p'a yemu jo Yesu shizhaa na ge.

1 Yohana 5:13-21 Nii sicuumɔ tadanɔ nakaara baa wogo.

Nii sicuumɔ nixhɔbaama jomɔ

¹ Wemu wu jɛ nii sicuumɔ jomɔ pu ge, wee wo keree wɛɛ wa gani yi mu, wemu w'a bye wà yani koŋɔ ki yàa ge. Wɛɛ ya wu jomɔ pu logo, na wu ja wù jii ki na. Wɛɛ ya wu sɛɛri xuuni, a wù keye bɛ di gbɔn wu na. ² Pee nii sicuumɔ p'a puyɛ shɛ, wɛɛ ya pu ja, na pu sɛɛri keree pye. Nii sicuumɔ nixhɔbaama pe pu bye Kilɛ taaan na puyɛ shɛ wù na ge, pee kaa w'à yu yi mu. ³ W'à lemu ja, na lemu logo ge, lee w'à yu yi mu, kɔnhɔ yi bɛ di jé wù wo karijɛɛɛ ki ni. Wɛɛ kunni wa jé To Kilɛ ni wu Ja Yesu Kirisa wo karijɛɛɛ ki ni. ⁴ Wɛɛ ya kii keree kii ka na ki tun yi mu, kɔnhɔ wù fundanga ki jɔ di fa.

Kilɛ jɛ kpɛɛngɛ; w'à jaari kee ni

⁵ W'à jomɔ pemu logo Yesu Kirisa mu di jo yi mu ge, pee pu wa pe na Kilɛ jɛ kpɛɛngɛ, nibiige yafin wa wu ni wɛ. ⁶ Wù bu jo na Kilɛ wo karijɛɛɛ ki ni wù jɛ, na ta wù jaari gbee nibiige ni, kafinɛyɛ w'à yu, wù jɛ can jɔŋɔ ni wɛ. ⁷ Ga wù ba jaari kpɛɛngɛ ni, ma na jo ba Kilɛ wa kpɛɛngɛ ni mɛ wɛ, wee tuun wu ni w'à pye wùyɛ karijii, wu Ja Yesu wu shishan pu na wù pye fɛɛfɛɛ na wù jurumu wu bɛɛri laha wù na.

Wù wù tɔɔgɔ wolo jurumu ni fɛɛfɛɛ

⁸ Wù bu jo na wù ya jurumu pyi wɛ, wuyɛ w'a biinɛ can jɛ wù funyɔ ni wɛ. ⁹ Ga wù bu yere

wù jurumu wu na, Kile ya tii na je nɔmɛɛ fɔɔ. Lee funɔ ni wu na wù jurumu wu yafa wù mu. W'à kakuunɔɔ tuuyo yemu beeri pye ge, wu na wù pye fɛfɛɛ na yeege kee beeri ni. ¹⁰ Wù bu jo na wù ya ta na jurumu pyi wɛ, w'à Kile pye kafinejo, wu jomɔ pu je wù funɔ ni wɛ.

2

Kirisa je wèe tɛɛvɔɔ

¹ Na nagoo, n'a da kii keree kii ka di ki tun yi mu, kɔnhɔ yi ganha ba jurumu pyi wɛ. Ga wa bu jurumu pye, Tɛɛvɔɔ wa wù mu wù To Kile wu kabanugo, wee je Yesu Kirisa, wee wemu w'a tii ge. ² W'a pye wèe jurumu wu wo footɔnɔ. Wèe wo wu ye be wɛ, ga kɔɔ ke beeri wo jurumu foo w'a tɔ.

W'à yaa na Kile wo nɔmɛɛ ki co

³ Wù bu Kile nɔmɛɛ ki co, wù na li cɛ lee na na w'à wu cɛ. ⁴ Wa ba yu na wee ya Kile cɛ, na ta wu ya wu nɔmɛɛ conɔ wɛ. Weefɔɔ je kafinejo, can je wu funɔ ni wɛ. ⁵ Ga wemu w'a wu kafila wu conɔ ge, Kile wo taanɛɛge ke nivanɔ ki wa weefɔɔ funɔ ni see na. Lee na w'à li cɛni na wèe je wu kariɛɛge ki ni. ⁶ Wemu w'a yu na wee je Kirisa wo kariɛɛge ki ni ge, weefɔɔ ya yaa w'a naari ba Kirisa ye pyaa ya naari wɛ.

Kariɛɛge nɔmɛɛ nivonɔ keree

⁷ Na nimɛɛ, di wa ta kariɛɛge nɔmɛɛfonɔ ka na tun yi mu wɛ, ga nɔmɛɛ nilɛ li wa, y'a lemu ta fo yi n'a daa wu nɔ kɔnduun wu ni ge. Y'a jomɔ pemu logo xɔ ge, pee pu wa lee nɔmɛɛ nilɛ le. ⁸ Ga lee be na, le n'a ka na tun yi mu ge, lee je ba nɔmɛɛfonɔ

ƚε ƚε. Li can ƚ'a ƚa Yesu Kirisa wo torogana li funƚo ni, na ƚaa yee be wo torogana li funƚo ni. Bani womo keree kii nidorogo ki wa, kƚεengε can wogo ki wa ƚi na xo. ⁹ We ƚ'a yu na kƚεengε ki ni wee ƚε, na makono yaha wu ni wu ceboro te ni ge, womo ni weefoo ƚε sanha. ¹⁰ Wemu ceboro kaa l'a dan wu ni ge, weefoo wu ƚε kƚεengε ki ni. Na wu yaha kƚεengε ki ni, kaa la shishiin da ga ja wu pye wu watii ƚunjo kyεεgi ƚε. ¹¹ Ga we ƚ'a wu ceboro ko ge, womo ni weefoo ƚε, womo ni ƚ'a ƚaari. Wu ya wu tashεε ce ƚε, bani womo p'a wu pye fyεn.

Yi ganha bu yi ƚaha le ke konjo ke ƚanmuyoo ni ƚε

¹² Na nagoo, n'a we se me we tunni yi mu, bani yi jurumu ƚ'a yafa yi mu Yesu wo me ge ki gbooo ni. ¹³ Noholee, n'a we se me we tunni yi mu, bani we wu wa wa na ta konjo sanha ƚo kon we ge, y'a wee ce. Levee, n'a we se me we tunni yi mu, bani y'a se ta Shitaanni na. Na nagoo, n'a we se me we tun yi mu, bani y'a To Kile ce. ¹⁴ Noholee, n'a we se me we tun yi mu, bani we wu ƚε wa na ta konjo sanha ƚo kon we ge, y'a wee ce. Levee, n'a we se me we tun yi mu, bani yi fanha k'a ƚεhe, Kile jomoo p'a kori yaha yi funyo ni, y'a se ta Shitaanni na.

¹⁵ Yi ganha bu konjo yaha ki taan yi mu ƚε, yi ganha bu yi ƚaha le konjo yaaga ke ka nigin be ni ƚε. Konjo bu daan wemu mu, To Kile taanƚεεε ƚε weefoo funjo ni bada ƚε. ¹⁶ Bani keree kii beeri ki ƚε konjo ke ni ge: ce puuro lakuunjo ƚidaan keree, ni konjo ƚanmuyoo wo ƚεƚεn, ni konjo wo maye she keree, lee la shishiin wa foro To Kile ni ƚε fo konjo. ¹⁷ Konjo kunni wa doro ni ki ƚidaan wu be, ga we

w'a Kile jidaan pyi ge, wee na ba gori yaha jii na gbee.

W'à wuyε kaseri Kirisa wo pεen pu na

¹⁸ Na nagoo, koηo ki taaxoo l'a tεεηε. Y'a yi logo na Kirisa wo Pεn wu da ba ba. Wa nime, Kirisa wo pεen niηehεmεε wa puyε shεε na xo. Lee na w'à li cε na koηo ki taaxoo l'a tεεηε. ¹⁹ Wεe wo kariηεεγε ki ni p'a foro, ga pu bi ta pye ni wεe ni nigin can can na wε. Pu da bi sii pye ni wεe ni nigin, pu bi da gori wεe ni. Ga pu voro w'a li shεε na pee bye ni wεe ni fungonnyo na bada wε.

²⁰ Ga yee wa ba pee ηε wε, bani Fεfεεε Munaa fanha ni yee ya sindirine ta, kōnhō y'i can wu cε. ²¹ Nε ta sεmε wu tun yi mu yi can cεbaara na wε. Ga n'a wu tun yi mu bani y'a can cε, na nōhō li cε sanha na kafineγε ka shishiin ya foro can ni wε. ²² Jōgō wu ηε kafinejo wε? Wemu w'a go na Yesu ηε Kirisa wε, koηo Shōvōo we-e ge, weefōo wi. Weefōo wu ηε Kirisa wo Pεn we. W'a zhege To Kile ni wu Ja wu ni. ²³ Wemu w'a she Jafōo wu ni ge, weefōo ya she Tofōo wu bε ni. Wemu w'a sōo Jafōo wu na ge, weefōo ya sōo Tofōo wu bε na. ²⁴ W'à yi kalaa jomōo pemu ni fo yi n'a daa wu ηōkōōnrō ti ni ge, yi la le yiyε ni pee di gori yi funyo ni. Lee bu bye, yi bε na gori yaha Jafōo we, ni Tofōo wu wo kariηεεγε ki ni. ²⁵ Kirisa ya ηōmεε lō na wu na ba leke kan wu mu ge, lee li wa jii sicuumōo nixhōbaama.

²⁶ Pii p'a giin pii yi ηuyo kyεegi ge, pee wuu na n'a ye ka, na yi tun yi mu. ²⁷ Yee kunni, Yesu ya Fεfεεε Munaa kan yee mu, lee wa kori yee funyo ni, sipya wa shishiin kajoōo wa nige yi na na w'a yi kalaa wε. Fεfεεε Munaa li wa yi kalaa keree bεeri ni, li kalaa

wu wa can, kafineye wa wu ni bada we. Lee wuu na yi Feeere Munaa li wo kalaa wu co, y'i gori yaha Kirisa wo karijegge ki ni. ²⁸ Na nagoo, yi kori yaha Kirisa wo karijegge ki ni, kōnhō wu ba wuyē she, wù lowagaa wuu di da, wù ganha da ba zhiige wu naha t̄aan wu caban̄a na we. ²⁹ Y'a li ce na Kirisa ya tii, lee wuu na w'à yaa na li ce na sipyaa sipya wa tiime keree pyi ge, Kile pya wu ne weefo.

3

Kile nagoo

¹ Wèe kaa ya dan To Kile ni fo xuuni, fo w'a wèe pye wu nagoo. Can wu ne wii, wèe ya pye wu nagoo. Kōhō sipyii ya ta Kile ce we, lee l'a pu pye pu ya ce nago Kile nagoo wèe ne we. ² Na taan̄ii, nime wù ne Kile nagoo. Wù na ba bye lemu ge, lee wa sanha zhe we. Ga w'à li ce na Yesu Kirisa ba wuyē she, wù na ba bye ba wu ne we, bani wù na ba wu keme na ba wu ne we. ³ Kee tadan̄a ki wa sipya wemu beeri mu Yesu Kirisa na ge, weefo na wuyē pye feeere ba Kirisa ne me feeere we.

⁴ Sipyaa sipya w'a jurumu pyi ge, Kile wo saliya wu m'a gyeege. Bani na jurumu pye, lee kori ne Kile wo saliya wu m'a kyeege. ⁵ Y'a li ce na Yesu ya pa wu ba jurumu laha sipyii na. Jurumu wa shishiin bye wu na we. ⁶ Sipyaa sipya w'a kori yaha wu karijegge ki ni ge, weefo ya gbara wu kori yaha jurumu ni we. Ga wemu w'a kori yaha na jurumu pyi ge, weefo ya wu na we, ali wu ya wu ce be we.

⁷ Na nōhōpiire, wa shishiin ganha bu yi piinne we. We w'a tiime keree pyi ge, weefo nidiige ki wa, ma na jo ba Yesu Kirisa ye pyaa ya tii tiigana

lemu na wε. ⁸ Wemu bu gori yaha na jurumu pyi, Shitaanni ni weefɔɔ ya foro, bani Shitaanni w'a jurumu pyi na lɔ fo taashiinε li ni. Lee wuu na Kilε Ja w'a pa, kɔnhɔ wu Shitaanni wo kapyegee ki kyεεgi. ⁹ Sipyaa sipya wu jε Kilε wo pya wa ge, wee ya gbara wu kori yaha jurumu ni wε, bani Kilε wo sefεεε ti ma bye wu ni. Lee wuu na wu da já gori yaha jurumu ni wε, bani Kilε wo pya wu jε wii. ¹⁰ Le na Kilε nagoo ni Shitaanni nagoo ya jeni na wo puyε ni: Wemu ya tiimε keree pyi wε, wee ya foro Kilε ni wε, wemu bε ceboro kaa ya taan wu mu wε, wee bε wε.

W'à yaa na taan ni wùye ni

¹¹ Jomɔ pe y'a logo fo taashiinε li ni ge, pee pu wa pe: W'à yaa na taan ni wùye ni. ¹² Wù ganha bu bye Kayεn shi wε, Shitaanni ni wee ya foro, w'a wu cuun gbo. Naha na w'a wu gbo wε? Bani wuyε pyaa kapyegee ki bi kolo, na ta cuunvɔɔ wu wo kapyegee di bi tii. ¹³ Na cebooloo, koŋɔ sipyii bu yi kɔ, lee ganha bu yi fo wε. ¹⁴ W'à li cε na w'à foro xu ni na jé j̄ni sicuumɔ ni, bani wù cebooloo pu kaa ya dan wù ni. Wemu wu jε wu cebooloo kaa ya dan wu ni-i ge, wee ya kori yaha xu ni. ¹⁵ Sipyaa sipya w'a wu ceboro kɔ ge, wee jε sipyii gbovɔɔ. Y'a li cε na j̄ni sicuumɔ nixhɔbaama wa goroo sipyii gbovɔɔ wa shishiin funŋɔ ni bada wε.

¹⁶ Le na w'à taan jεεε ceni, bani Yesu Kirisa ya wu munaa kan, kɔnhɔ wu wèe j̄nɔ wolo. Wèe bε ya yaa na wù munahaa kan wù cebooloo wuu na. ¹⁷ Ke koŋɔ ke naafuu jε wemu mu ge, weefɔɔ bu wu ceboro funmɔ wo ja, na bye wu ya j̄nɔ jaari wu na wε, dii Kilε tan jεεε di da já bye weefɔɔ

funḡo ni wε? ¹⁸ Na nḡhḡpiire, wù taanḡεεεε ganha da bye ḡεεεkḡḡnyḡ, ni ḡḡtanga jomḡ ye wε, ga wù kapyegee k'a yaa na li shεε na can wu ḡε wù taanḡεεεε ke.

Wù wù logoo waha, wù fulo Kile na

¹⁹ Wù ba lee pyi, lee na wù da ba li cε na wù ḡε can wu wuu. Wù na já wù hakilee pu teḡε Kile ḡaha tàan. ²⁰ Ali wù zḡḡḡ pu ḡεḡε ba wù jaagi bε, wù na já wù hakilee pu teḡε, bani Kile ya keree bεeri cε, wu d'a pεε bε wèe zḡḡḡ pu na.

²¹ Na taanḡii, wèe zḡḡḡ pu bu bye pu ya já wèe jaagi nige wε, lee ya li shεε na wèe ya lowagaa ta, na fulo Kile na. ²² Wù bu yaaga bεeri ḡεeri wu mu, wù na kee ta, bani w'à wu ḡḡmεε coni, na wu ḡidaan keree pyi. ²³ Wu ḡḡmεεjuu li le, na wèe pu dà wu Ja Yesu Kirisa mεεε ki na, wù daan ni wùye ni, ba w'a yi jo wù mu wε. ²⁴ Wemu w'a wu ḡḡmεε coni ge, weefḡḡ ya jé Kile wo kariḡεεεε ki ni, a Kile bε di bye ni weefḡḡ ni kariḡεεεε ni. Kile ya wu Munaa li kan wèe mu, lee na wèe ya li cε na Kile ḡε ni wèe ni kariḡεεεε ni.

4

Kile Munaa ni kafinejo munaa

¹ Ayiwa, na taanḡiineε yi ganha ba daa munahaa bεeri kafila na wε, ga yi fεnhε ki suguri ki bi foro Kile ni, bani kafinejuu piimu p'a puyε pyi Kile tudunmḡḡ ge, pee niḡεḡεmεε ya foro koḡḡ na. ² Le na yi da ba Kile Munaa cε: Munaa lemu l'a sḡḡ li na na sipya ye pyaa Yesu Kirisa ya pa bye ge, lee l'a foro Kile ni. ³ Ga munaa lemu ya ta sḡḡ yee na Kirisa shizhaa na-ε ge, lee ya foro Kile ni wε, lee ḡε

Yesu Kirisa wo Pen wu wuu le. Y'a yi logo xɔ na wu na ba ba koŋɔ ke na. Ga nime, wuyɛ pyaa be wa na xɔ koŋɔ ki na. ⁴ Na nɔhɔpiire, yee kunni ne Kile wuu, lee wuu na yee ya se ta pee kafinejuu pu na. Bani Kile Munaa le li wa yee funyɔ ni ge, lee ya ye koŋɔ sipyii pu wuu li na. ⁵ Pee kafinejuu pii ne ke koŋɔ ke wuu. Lee wuu na pu kafila wu naha ya tii ke koŋɔ ke yanmuyɔ ye ye shizhaa na, a ke koŋɔ ke sipyii di ganha na pu jomɔ nuri. ⁶ Ga wɛe kunni ne Kile wuu. Sipyaa sipya w'a Kile ce ge, weefɔɔ na da wɛe jomɔ pu nuri. Ga sipya wemu ne Kile wo we, weefɔɔ ya wɛe jomɔ pu nuri we. Ayiwa, lee na y'a da can Munaa li wo sipyii pu ce na shɔɔnri kafinejo munaa li wo sipyii pu ni.

Kile ya wu keree beeri pyi ni taanɛɛge ni

⁷ Ayiwa, na taanɛɛne, wu taan ni wuyɛ ni, bani Kile ni taanɛɛge ya foro. See see taanɛɛge ne sipya wemu funɔ ni ge, wee wu ne Kile pya. Wee w'a Kile ce. ⁸ See see taanɛɛge ne sipya wemu funɔ ni we, wee ya Kile ce we, bani ma bu jo Kile, m'a jo taanɛɛge. ⁹ To Kile ya wu taanɛɛge ki she shɛgana lemu na ge, lee li wa me. W'a wu Ja nigin pe wu tun na pa koŋɔ na, kɔnhɔ wu ni sicuumɔ kan wɛe mu. ¹⁰ Lemu l'a Kile wo taanɛɛge ki she wu na ge, lee li wa me: Li wa nago wɛe yiri taanɛɛge k'a fenhe yiri na naha tii Kile na-ε de! Ga wɛe p'a fenhe taan Kile mu, a wu wu Ja nigin pe wu kan na pye saraga, kɔnhɔ wu jurumu wu yafa wu mu wee gbɔɔɔ ni.

¹¹ Ayiwa, na taanɛɛne, ba ni wɛe kaa ya taan fo xuuni Kile mu lee taangana li na, wɛe be ya yaa na taan ni wuyɛ ni de! ¹² Sipya wa shishiin sanha Kile na na we. Ga taanɛɛge bu bye wɛe te ni, wɛe ni Kile

na bye kariɲεεγε ni. Wu taanɲεεγε ki be na ganha na beɛ wù funyɔ ni, fo na ba wù zɔɔ pu ɲi. ¹³ To Kile ya wu Munaa li kan wèe mu, lee na wèe ya li ce na jo wèe wa ni wu ni kariɲεεγε ni, wu be di ɲε ni wù ni kariɲεεγε ni. ¹⁴ Wèeyε pyaa ya wu ɲa ɲii na, lee funɲɔ ni, na yi yu be na Kile ya wu Ja wu tun na pa koɲɔ na, kɔnhɔ wu ba koɲɔ sipyii shɔ. ¹⁵ Sipyaa sipya w'a sɔɔ li na na Kile Ja wu ɲε Yesu ge, Kile na gori yaha ni weefɔɔ ni kariɲεεγε ni, weefɔɔ be na gori yaha ni Kile ni kariɲεεγε ni. ¹⁶ Wèe kaa ya dan Kile ni taangana lemu na ge, wèe ya lee ce, na dà be li na.

Bani ma bu jo Kile, m'a jo taanɲεεγε. Wemu w'a kori yaha taanɲεεγε na ge, wee w'a kori yaha ni Kile ni kariɲεεγε ni, a Kile be di gori yaha ni weefɔɔ ni kariɲεεγε ni. ¹⁷ Kile wo taanɲεεγε ki ba beɛ wù funyɔ ni, fo na ba wù zɔɔ pu ɲi, wee tuun wu ni caɲa kemu Kile da ba kiiri wu kɔn ge, fyaara ta shishiin da ba bye wù ni kee caɲa wε. Bani ba Yesu Kirisa ɲε wε, mu wèe be wo ɲaarigana li wa koɲɔ puga ni. ¹⁸ Taanɲεεγε ɲε sipya wemu zɔ ni ge, weefɔɔ ya fyagi wε. See see taanɲεεγε ya fyaara beeri kɔri, bani sipya ya kakuuyo yemu pyi ge, yee wo jaagi kanhama pu ma wu pye wu na fyagi. Lee wuu na, sipya wemu w'a fyagi ge, weefɔɔ zɔ wu beeri ya ɲi see see taanɲεεγε na wε. ¹⁹ Wèe kaa l'a fɛnhε taan To Kile mu, lee wuu na wu kaa ya dan wèe be ni. ²⁰ Wa bu jo na Kile kaa ya dan wee ni, na ta wu ceboro makɔɲɔ di ɲε wu funɲɔ ni, weefɔɔ ɲε kafinejo. Bani ma ceboro wemu mu ya ɲaa ɲiga beeri ge, wee kaa bye li ya dan mu ni wε, Kile wemu wu ɲε mu ya wee ɲaa-i ge, dii wee kaa di da já da

dan ma ni wε? ²¹ Yesu Kirisa yε pyaa bε yεε ya le nɔmεε le jo wèe mu na sipyaa sipya w'a jo na Kile kaa ya dan ma ni ge, ma cebooloo pu bε kaa ya yaa na dan ma ni.

5

Sipyaa ya yaa na sɔɔ Kile wo nijoyo yi na

¹ Sipyaa sipya w'a dà li na na Shɔvɔɔ wu nε Yesu ge, weefɔɔ nε Kile wo pya. Tofɔɔ kaa ba dan ma ni, wu nagoo bε kaa ya yaa na dan ma ni. ² To Kile kaa ba dan wèe ni, a wù ganha na wu nɔmεεjogoo ki bε coni, lee na wèe da li cε na wu nagoo pu kaa ya dan wèe ni. ³ Wù bu jo na Kile ya dan wù ni, w'à yaa na wu nɔmεhεε ki coni. Wu nɔmεhεε ki ya yaa ki pye wù mu tuguro wε. ⁴ Bani piimu bεeri pu nε Kile wo nagoo pu ge, pee bεeri ya se ta ke koŋɔ ke na. N'a daa wemu wu wa wèe mu ge, wee w'a wèe pye wèe ya já na se taa ke koŋɔ ke na. ⁵ Sipyaa sipya w'a dà li na na Kile Ja wu nε Yesu ge, ni wee wa yε bε wε, jɔgɔ wu da já se ta ke koŋɔ ke na wε?

⁶ Yesu Kirisa ya pa koŋɔ na lɔhɔ ni shishan baraga ni. Wu ya ta da lɔhɔ wo batizeli wu yε nε dε! Ga, w'a wu shishan bε kan p'a wo, na xhu. Kile Munaa li wa lee wo sεeri, bani lee l'a can wu shεε sipyii pu na. ⁷ Lee funŋɔ ni, sεεεε taanri wu nε wà na li shεε sipyii pu na na Kile Ja wu nε Yesu. ⁸ Pee sεεεε taanri wu nε: Kile Munaa ya can wu shεε; lɔhɔ ni shishan, yee bε di wu shεε. Ayiwa, yee taanri we ya bε nɔmεε na Yesu shizhaa na. ⁹ Sipyii ya yemu yu ge, wèe ya sɔɔ yee na, na ta yemu Kile ya yu ge, yee d'a ye na kanha sipyii wo nijoyo yi na. Kile yε pyaa k'a fiin jo wu Ja wu shizhaa na.

¹⁰ Sipya bæeri w'a dà Kile Ja wu na ge, weefɔɔ ya sɔɔ li na wu funɲɔ ni na kii keree kii ɲɛ can. Sipya wemu ya dà Kile wo nijoyo yi na wɛ, weefɔɔ ya Kile yaha ba kafinejo ɲɛ wɛ. Bani wufɔɔ ya ta dà Kile wo nijoyo yi na wu Ja wu shizhaa na wɛ. ¹¹ Yemu Kile ya jo wèe mu ge, yee yi wa mɛ na Kile ya ɲì sicuumɔ nixhɔbaama kan wèe mu. Pee ɲì sicuumɔ pe ya daa wu Ja wu gbɔɔɔ ni. ¹² Ayiwa, wee Ja wu ɲɛ sipya wemu mu ge, ɲì sicuumɔ pu wa weefɔɔ mu. Kile Ja wu ɲɛ wemu mu wɛ, ɲì sicuumɔ ɲɛ weefɔɔ mu bada wɛ.

Tadaɲa kemu ki wa n'a daa fɛɛ pu mu ge

¹³ Ayiwa, yee piimu p'a dà Kile Ja wu na ge, nɛ we sɛmɛ we tun yi mu, kɔnhɔ y'i li cɛ na yee ya ɲì sicuumɔ nixhɔbaama pu ta na xɔ. ¹⁴ Ayiwa, lowaa lemu wa wèe mu Kile ɲaha taaan ge, lee li wa le: Wèe bu yaaga ka ɲɛeri wu mu na saha ni wu ɲidaan ni, wu na wèe ɲɛrɛge ki logo. ¹⁵ Wù bi ta w'à li cɛ na w'a wù ɲɛrɛge nuri, wèe ya li cɛ na yaaga bæeri wèe ya ɲɛeri wu mu ge, wèe ya kee ta xɔ.

¹⁶ Jurumu wemu wu ɲɛ wu da já sipya munaa kyɛɛgi ɲiga na-ɛ ge, ma ceboro bu wee jurumu wa pye, Kile ɲɛeri wu mu kɔnhɔ Kile di ɲì sicuumɔ kan wu mu. Piimu wo jurumu wu ɲɛ wu da já pu munahaa kyɛɛgi ɲiga na-ɛ ge, pee yɛ kaa di wa byi. Ga jurumu wa ɲɛ wà wemu na já sipya munaa kyɛɛgi ɲiga na ge, di wa go yi Kile ɲɛeri wee wa wuu na wɛ. ¹⁷ Tiibaara bæeri ti ɲɛ jurumu, can wu ɲɛ wii. Ga jurumu wa ɲɛ wà wee wa da já sipya munaa kyɛɛgi ɲiga na wɛ.

¹⁸ Wèe ya li cɛ na jo sipya bæeri wu ɲɛ Kile wo pya wa ge, weefɔɔ ya goroo gbee jurumu na na

byi wε. Bani Kile Ja wu ma wufɔɔ mara, lee wuu na Shitaanni da já se ta wu na wε. ¹⁹ Wèe ya li cε na jo wèe nε Kile wo nagoo, ga konɔ ke sipyii di nε Shitaanni wo fanha ke nɔhɔ ni. ²⁰ Ga wèe ya li cε be na jo Kile Ja w'a pa, na ba fungɔngɔ fεεε kan wèe mu, kɔnhɔ wèe di see see Kile wuyε pyaa tii cε. Wèe na nε Kile Ja wu kari nεεε ki ni, lee ya wèe pye see see Kile wuyε pyaa wuu. Wee Ja we wu nε see see Kile wuyε pyaa, ni n̄i sicuumɔ nixhɔbaama.

²¹ Ayiwa na nɔhɔpiire, y'a yiyε kasεri yapεεgaanra na!

KARINĒĒGE NŌMĒE NIVONŌ
New Testament and Shorter Old Testament in
Senoufo, Mamara

copyright © 2014 Wycliffe Bible Translators, Inc.

Language: Mamara S noufo (S noufo, Mamara)

Translation by: Wycliffe Bible Translators

Contributor: Wycliffe Bible Translators, Inc.

  2014-08-10, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-03-17

PDF generated using Haiola and XeLaTeX on 21 Feb 2024 from source files dated 29 Jan 2022

85728ed7-78f8-58e8-8967-0e976c0c2423